

Anstimmton: **F** B-Dur (2 st. Jodel)

Ich hanes Jodlerhärz z'verschänke

a öpper mit viel Heimatsinn. A liebi
Lüt wo ähnlich dänke a Lüt wo
Bruchtum hüete z'innersch inn.

*(Solo: Drum säg ich dir warum i
singe, warum i jutze voller Luscht.)*

Es foht im Härz so schön a schwinge
i geschpüre d'Freud i miner Bruscht.
Es foht im Härz so schön a schwinge
i gschpüre d'Freud i miner Bruscht.

Vom Schaffe müed dänk ich am

Obe wenn ich doch hüt nid müessti
goh, stohni de aber i de Reihe
vomine Jodlerlüt i d'Mitte gnoh!

*(Solo: De bini froh chan i no singe,
ha Freud wenn's klingt im ganze*

Chor.) Das cha nur Schön's i Alltag
bringe ha mängi Melodie im Ohr. Das
muess doch Schön's i Alltag bringe,
ha mängi Melodie im Ohr.

Mis Jodlerhärz chasch nid

verdriesse, es schloht so lang der
Hergott wott. Drum wott is gschpüre
wott is gniesse s'chunt einisch Zyt
wo's müed isch und nümm schloht.

*(Solo: De wünsch i mir vo ganzem
Härze, dass Gsinnig blibt und mini*

Freud.) Tuet überspringe wie ne
Funke und mängi Jutz uf d'Ärde
streut, tuet überspringe wie ne Funke
und mängi Jutz uf 'Ärde streut.